

TOLOSALDEKO EA21

17-18 ikasturtea



STOP klima aldaketa!!!



“2016an maila historikotara iritsi da CO₂ kontzentrazioa atmosferan”

Gure gizarteak energia behar du funtzionatzeko: autoak, argindarra, industria... Energia hau sortzeko erabiltzen ditugun modu gehienek gasak sortzen dituzte: CO₂, N₂O, CH₄... Gas hauek atmosferara doaz berotegi efektua areagotzen. Naturalki onuragarria den prozesu hau, gure eraginez kaltegarri bilakatzen dugu, lurreko tenperaturak igoaraziz eta **KLIMA ALDAKETA** eraginez!!!

Azken boladan kalean dagoen gaia izan arren, beharrezko neurriak berehala hartzen ez baditugu, tenperatura igoeraren ondorioak pairatuko ditugu uste baino lehen: poloen urtzea, itsas mailaren igoera, lehorteak, desertizazioa, muturreko eguraldia, espezien desagertzea... eta gehiago daude!

Zuek ere bai!

Guraso, langile... eskola komunitate osoak badu zeresanik!!! Eskolaren bitartez proiektuan parte hartzeko aukera paregabea duzue!!!



Ze neurri har ditzakegu herritarrok aldaketa klimatikoari aurre egiteko? Eta udalak? Hau izango da aurtengo EA21 programaren helburua!!!



Tolosaldeak plan bat dauka!

Tolosaldea Garatzenek martxan jarritako energia plana



Tolosaldean kanpoan sorturiko energiaren menpekotasun handia dugu, ia %98koa. Kontsumoa eta sorkuntzaren arteko distantzia txikitu behar da. Kontsumoa zentzuzkoa den eredu baten alde aldaketa teknologiko eta metodologikoak beharrezkoak dira, ekonomia zirkularrerantz lehen pausoak izanik.

Aurten hainbat ikaslek energiaren gaia aztertuko dute. Erabiltzen dugun energia kantitatea eta sortzeko modua oso kontuan hartu behar dira klima aldaketa ekiditeko. Ikasleek konpromisoak eta proposamenak egiteko aukera izango dute.



Tolosaldeko datu energetikoak <https://www.youtube.com/watch?v=GwTfGJoark8>

Etxean energia aurreztu <https://www.youtube.com/watch?v=R7twlaw-Ogg&t=29s>

Kotxean energia aurreztu https://www.youtube.com/watch?v=I5_1QRJBF44&feature=youtu.be

Eta gogoratu... Gabonetan zentzuz kontsumitu!